

docriver 文川网  
入驻商家  
古籍书城  
在文川网搜索古籍书城  
获取更多电子书

中國方志叢書·華北地方·第九六號

據 民國蕭德馨等修熊紹龍等纂 民國二十五年石印本 影印

河 南 省

中 牟 縣 志



11512

成文出版社印行




\*10107646\*

中國方志叢書·華北地方·第九六號

據 民國蕭德馨等修熊紹龍等纂  
民國二十五年石印本 影印

河南省

# 中牟縣志



成文出版社印行



\*10107651\*

中華民國五十七年八月臺一版

# 中 牟 縣 志

全三册

定價：新台幣八〇〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號  
電話：九二二〇一〇號

印刷者：正 大 印 製 廠

三重市長生街二號之一



內政部登記證內版臺業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

中牟縣志序

縣之有志猶國之有史也藉以表賢哲旌節孝紀禮俗傳  
文猷社會之變遷民生之因革胥於是焉徵知則其關係  
之重詎可言喻哉我國自辛亥革命以還國事日非內亂  
頻仍倫亡法斁綱墜紀弛以致農村破敗哀鴻遍野民生  
之艱困未除故文獻之脩整亦未暇計及也今者國是畧  
定政輪入軌政府乃明令省縣重脩志乘此蓋否極生泰  
剝極轉復之先兆乎本年二月予受命宰中牟問政之初  
悉本縣縣志經前任縣長薛君正清凌君士英計劃脩纂  
惜解組息促未竟厥功因聘前縣長桐柏熊紹龍君縣教

育局局長宋子殷君暨縣中士君子從事編纂凡五越月而脫全稿可殺青寫定予惟中牟縣志創脩於明正德九年嗣後則萬歷二十三年天啟四年續有纂脩迨清順治己亥脩志時則明志已不可復得矣而自清初以來一脩於順治己亥再脩於康熙乙卯三脩於乾隆甲戌率皆雲烟散佚莫可搜求今所依據乃同治九年邑令錢塘吳公若娘所脩之本體制美備數能增損故今茲之脩一仍吳之舊貫分為天時地理人事三編而圖表附見焉踵事增華去繁揭要其便閱覽益考核者為不少矣至於襄纂之功草創者杜君滋旃也總纂潤色者熊君紹龍也採訪者

全縣士君子也予則自愧無能為役樂觀厥成而已  
中華民國二十四年七月上浣中牟縣長蕭德馨謹序

五  
景  
六

庚

二

年  
日  
夜  
星  
辰



中年縣志序

中華民國十有五年夏間愚權知中年縣事者三十餘日從同年邑人辛肖棠君處借閱縣志係清同治九年知縣吳若煊脩本嗣軍事迭興地方不靖越四年國政始統一又四年即二十一年冬間宋子殷來汴相訪謂邑人擬重脩縣志屬愚任編纂役夫縣之有志如國之有史古人謂脩史須具三長才學識也愚不才無學無識何以編志繼而思之志者記實也徵信為本愚曾蒞年畧有所見聞掬實而紀之亦應負責任因向宋君表示同意宋君退而取邑人杜滋旃君所擬志草及與役諸君採訪各稿併舊志

若干卷以偕來時愚方疲於行役未暇校閱次年自春徂  
秋酷暑漸退乃執筆而整理之就滋旃君所分類首志天  
時因自然也次志地理具形質也次志人事究變遷也附  
以圖表便檢查也噫世之脩志者每期博雅求美觀為縉  
紳學士所推重而非民衆所能普讀但留備各圖書館之  
陳列品耳愚則謂志應踏實俾生斯土長斯土者咸得知  
斯土之天時地理人事以適其生乃不為虛拘否則近於  
偽飾矣茲編雖陋惟不蹈虛憶愚仕魯治郟城時隣蘇沐  
陽有作沐陽風土記者由縣署當時尚稱縣公署頒發各小學為必  
脩課計卒業時適足讀竣邑中求學子弟得知本地方一

切狀況及鄉先民事蹟觀感興奮之情當所同具邁進時  
亦必能協力茲編之成倘亦適用於中牟小學課程乎尤  
所拳念云

民國二十有四年三月前知中牟縣事南陽熊紹龍

五 五景云

四

年日在學

原序一

萬物師天地天地師自然古今治亂成毀極則必變變則必復而亦自然之理也彥芳蒞牟二日恭承大中丞賈撫軍檄脩邑志牟之志燬於兵燹三十年矣毀盡而後成可期亂極而今治可臻其將變而之復之候乎孔子言夏殷之禮徵文考獻古帝王有天下未有不相師者循厥事跡究厥精微徵其足不徵其不足此所以志也出胸中臆說無知而妄作孔子無取焉故牟志一脩於明正德九年再脩於陳幼學先輩為萬曆二十三年三脩於天啟之四年今薦紳家無藏本父老不能言遺事按圖而索駿即不得

駿得常馬圖具在馬乃知常也如無馮何哉彦芳滋懼矣  
於是走一介秦晉之區而又東走鄒魯齊金幣南適吳越  
北適燕揭鼓求亡子不啻也歸無相依張乎不知所之終  
夜有求幽室中微燭曷見彦芳滋懼矣同里徐子延壽者  
究心史學彦芳自京師挈偕來牟謂予曰昔之水火今之  
水火也披駝銅於棘中延壽任探驪珠於頷下子大夫任  
時在孟夏烈日炎威徐子則筆彦芳則削徐子討論之彦  
芳脩飾之六閱月而志成今夫貴者飾也致飾至亨盡故  
受之以剝剝者剝也物不可以終盡剝窮上反下故受之  
以復復其見天地之心乎積陰之下天地生物之心幾於

滅息而至此乃復可見蓋消長相因天之理也陽剛君子之道長此其時乎大中丞公撫豫訪古賢者之所以治豫者治今之豫諸興利剔弊如何生聚如何教訓因革損益務必講求盡善而非郡縣志末由又復者反善之義也君子之道既復則漸以亨通澤於天下故謂復亨陽氣復生地中漸亨盛而生育萬物一也然此何非天運之自然也哉且夫所謂自然者天心人事物理合焉者也不能與天運物不能與人違天不能與人物違况牟有天地日月之祥有山川封域之險有人物官師之序有禮樂誅賞有忠孝文章而謂予能與牟違哉河洛圖書在未有文字前

邱墳典索在既有文字後作者何容心焉遂其自然而已矣夫自然天地且師之而况於人乎司馬遷作史記述陶唐以來至於麟止不得金匱石室之藏不能成書說者才學識世罕有兼之故史才少周禮小史掌邦國之志縣志亦史也泥斯二者頭白可期汗青無日矣是志也成治亂成毀剝復之理亦祇還其自然而已矣彥芳亦何容心焉惟是無疆之大歷歸之朝廷不朽之盛名歸之大中丞公彥芳藉手得不辱命是則彥芳區區之誠也若夫不忘徐子采輯之功倘亦彥芳不没人善云爾謹序

清順治己亥知中牟縣事古閩吳彥芳謹識



原序二

中牟自兵燹以來舊志失傳幸前令吳君彥芳於劫灰洪流之餘採訪故老博蒐金石加以體裁編輯成書可稱巨觀矣但歲月遷移時勢變更有昔無而今有者有昔創而今因者有昔不暇舉而今得詳行者若不增輯續載事久而湮傳訛滋謬俾邑之父老子弟靡不觀感豈非莅茲土者不能興舉廢墜之過哉是歲之秋解元冉永光雅有同心進商續梓於予予唯唯爰取故版附以近事舉十七年來人物科目政治風俗興改盛衰之故犁然眉列存實黜偽字櫛而句比之條貫次序一循其舊即前志有未悉者

docsriver 文川网  
入驻商家 古籍书城

在文川网搜索古籍书城 获取更多电子书

更為探蹟括隱補遺增闕訂豕亥辨魯魚信益求信疑復  
存疑度井里之樂利永垂先後之人文並駕披覽之下不  
致有拱壁弗完之嘆矣付之剞劂如式補刊是役也蒼萃  
任勞者冉君也捐橐襄工者闔邑士大夫也若予則碌碌  
因人耳是為序

清康熙乙卯知中牟縣事高陽韓蓋光謹識

原序三

余幼讀東漢諸名臣傳見扶風魯大司徒令牟時化著三異古今稱最心竊羨之意流風餘韻必猶有存者嘗欲得牟志觀之以知其詳丁卯冬余自涓奉調來牟披覽舊志字多磨滅或依稀得諸行間或連篇累頁無復點畫可辨蓋此志脩於順治己亥再脩於康熙乙卯迄今已八十年矣其間治績之循良景物戶口之繁滋以及忠孝節義文人學士可以資觀感供則微者指不勝屈若不及時纂輯奚以備觀風者之采擇乎爰謀之司鐸王君急圖增訂會王師奏凱西陲戎行絡繹余身羈軍站有懷未遂庚午恭

逢鑿與經臨脩營除道匆匆無須臾暇嗣又有博浪之役  
黃水為灾工務紛紜八閱月未遑寧處迨諸務甫畢遂復  
與司鐸王君謀及此而邑孝廉王子廷宣梁子三韓文學  
較子事本亦雅有同心授以累年所采訪者供其廩餼開  
館分輯正將訂其成而付之梓適余委署睢州越數月又  
奉鈞陽之檄旋又代篆許昌風塵鞅掌終無暇及夫余前  
未歷年而欲觀牟志既恨無由今已任年而欲成牟志又  
屢不果豈天之不欲成牟志耶抑牟志之成有定候而不  
可強耶迨至甲戌秋七月余由許回牟司鐸王君已擢去  
乃復延王子廷宣輩及諸生優於學者分類排纂至九月

始成完書而邑中紳士亦同善是舉協力以襄厥工工甫  
作有為余言者曰公此舉誠善第脩志原以述舊聞增新  
款備將來者之考核也今相其卷帙於舊本半歸刊落恐  
有罅漏而條例款式視昔日亦有異同能無嫌於變古歟  
或又曰不然舊本泛而寡要冗而失實今刪去繁蕪括其  
要領凡諸事有關本邑利弊者乃載之則工不勞而事易  
就文不繁而覽易竟且條例款式舉類分章隨裁辨體是  
變而得其中也抑又何嫌昔歐陽脩脩五代史文省於前  
事加於舊後人稱之諒我公亦同此意耳且公昔因魯公  
之治牟而欲觀牟志後之人亦必因公之脩志而愈欲觀

年志也甯容過此哉余唯唯否否笑而謝之余惟喜志之  
有成而數年心力不致徒勞至於考索編摩之詳筆削校  
正之當又諸君子贊成之力也余何與焉  
清乾隆十九年知中年縣事東武孫和相謨

原序四


先大父協揆公敷歷中外六持東河之節每歲巡視西行  
必自濟踰黃而汴歷京及索以歸紀其形勝若娘披攷疆  
原知詩所詠東有甫草為周宣王巡狩所及蓋今之中牟  
地也國朝以來布政司治祥符距牟僅數十里巋然為省  
西巨鎮其山川民物宜何如雄富殷繁耶咸豐己未若娘  
需次來豫每奉檄入洛輒經斯土則黃沙白草井里蕭條  
匪獨異於古所云也其視協揆公所誌昔年情形亦迥不  
相侔詢諸父老知牟地窪下屢為河逼幸賴聖天子軫恤  
民艱再四減賦以寬紓之民乃不至他徙而若娘於同治



己巳來權斯邑其去榮工之塞甫數月耳瘡痍未起邨落  
邱墟亟欲索志考型宗前哲之撫摩為藐躬之箴臬吏白  
以髮捻交躄版佚無存乃偕諸藏書家則自乾隆十九年  
後又失脩矣余益感然曰微特棗梨灰燼莫資考鏡即存  
亦時歷百十餘年世殊事積其間名儒賢官忠孝義烈未  
著於篇者何限不有以志之無以見此邦之蘊蓄者厚而  
自來賢有司之培植者深也幸秋小稔乃進紳耆而商補  
綴僉曰善此實前大尹歐陽公有志未逮量遷於葉期諸  
歸來者也今奉命敢不踴躍從爰即聚諸文士博采廣搜  
不憚煩瑣其有年遠代湮傳聞失據者上諸台司證以官

續仿先君子太守公刊脩平度州志義例與衡水友人焦  
子蕃明經編釐商訂反覆推研恒達旦不寐半載脫稿折  
衷於何夢廬前尹倉靜則廉訪節冗正謫前後十有三月  
而藏其事今將付剞劂應誌顛末以待後賢起衰振廢雖  
跡扶風若以殘畧不屬之作謂足供攷鑑備采風夫  
然夫何敢然

清同治九年歲在庚午仲冬月錢塘吳若煊謹識



七  
五  
果  
六

八

一  
一

年  
日  
名  
學  
正

續脩中牟縣志銜名

編纂

前中牟縣知事  
河南高等法院書記官

主纂

中牟縣縣長

前中牟縣縣長

前中牟縣縣長

前中牟縣縣長

參訂

縣立民衆教育館館長

桐柏縣熊紹龍

偃師縣蕭德馨

脩武縣凌士英

陝西韓城縣薛正清

江西省鄧尉山

邑人李培芬

開封河務總局秘書

邑人王希曾

倡脩

教育局局長

邑人宋子殷

前縣黨部委員

邑人朱光華

第二區區長

邑人閻紹精

商會主席

邑人蘇壽岑

救濟院院長

邑人王子久

第七區區長

邑人袁濟眾

前第六區區長

邑人張仁炳

前縣政府第一科長

汲縣趙佑巖

主任

教育局局長  
財務委員會委員長

編輯

教育局文書員

校對

教育局縣督學

繪圖

前新安榮陽洛陽縣縣長  
北京陸軍測繪學校畢業

河南地政籌備處課員

事務

邑人

宋子殷

邑人

杜樹德

邑人

宋欽光

邑人

吳蔭棠

邑人

李克家

docsriver 文川网  
入驻商家 古籍书城

在文川网搜索古籍书城 获取更多电子书

教育局會計員

邑人 柴芳桂

書記

前第一女子小學校事務員

邑人 陳家琦

前縣立第一小學教員

邑人 婁和禮

採訪

河南第一區行政督察專員公署第四科主任

淮陽 葉湘梅

前縣政府第三科科长

脩武 閻子俊

教育局縣督學

睢縣 周宗文

第三區教育委員

邑人 朱濟陽

第五區教育委員

邑人 李印渠



開封私立女子職業中學校長

邑人 倉辛蘭君

第七區教育委員

邑人 孔慶辰

縣立中學校事務員

邑人 張葆元

教育局辦事員

邑人 喬登高

前第一女子小學校長

邑人 萬周淑珺

辛寨初級小學校教員

邑人 許壽慈

教育局辦事員

邑人 王士賢

前苗圃圃長

邑人 張羅英

前公款局局長

邑人 李成溪

前教育局事務員

邑人 賀錫齡